

დადგენილება #ე.პ. 0612-25
გაფრთხილების სახით ადმინისტრაციული სახდელის
დადების შესახებ

თბილისი

23 იანვარი 2025

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სათაო ოფისის ადმინისტრაციული სამართალდარღვევის საქმის განმხილველი კომისია, კომისიის თავმჯდომარე ნინელი ბოჭორიშვილი

2. საქმის განხილვის თარიღი: 2025 წლის 23 იანვარი

3. ცნობები პირის შესახებ, რომლის მიმართ განიხილება საქმე:

შპს „იმერეთი“

მდებარე, იურიდიული მისამართი: თერჯოლის რაიონი, სოფელი ეწერი

საიდენტიფიკაციო კოდი # 431946638

ფაქტობრივი ადგილსამყოფელი:

4. საქმის განხილვისას დადგინდა შემდეგი გარემოებები:

2025 წლის 22 იანვარს, თერჯოლის რაიონის, სოფელ ეწერში, დაფიქსირდა ელ.ენერჯის უკანონოდ მოხმარების ფაქტი, კერძოდ, აბონენტ #2110235111-ის (მომხმარებელი შპს იმერეთი) აღრიცხვის კვანძის შემოწმებისას აღმოჩნდა, რომ ძალოვანი ტრანსფორმატორის ამომყვანებზე 0.4კვ, მრიცხველის გვერდის ავლით დაერთებული იყო სადენები, ადგილი ჰქონდა ელ.ენერჯის დატაცებას. აღნიშნულ ფაქტთან დაკავშირებით შპს „იმერეთი“-ს მიმართ 22.01.2025წ შედგა ადმინისტრაციული სამართალდარღვევის ოქმი #009740, რომელსაც ხელი მოაწერა ობიექტის წარმომადგენელმა, ზაალ სახეჩიძემ (პ/ნ21001003047), მან არ უარყო სამართალდარღვევის ფაქტის არსებობა და განაცხადა, რომ შიდა ქსელის დაზიანების გამო დააერთა სადენები, თუმცა ფიქრობდა, რომ მრიცხველი აღრიცხავდა

სს „ენერგო-პრო ჯორჯია“

მოხმარებულ ელ.ენერგიას, სინამდვილეში სადენები დაერთებული აღმოჩნდა მრიცხველის გვერდის ავლით.

შპს „იმერეთი“-ს მიერ ელ.ენერგიის დატაცება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2025 წლის 22 იანვარს ელექტრონულად გამოგზავნილი ინფორმაციით. საქმეში, წარმოდგენილია 22.01.2025წ შედგენილი №1478370 აღრიცხვის კვანძის შემოწმება-მიღების აქტი, რომლითაც ასევე დასტურდება შპს „იმერეთი“-ს მიერ ელ.ენერგიის დატაცების ფაქტი. #1478370 აღრიცხვის კვანძის შემოწმება-მიღების აქტში აღნიშნულია, რომ მოხმარებლის მრიცხველი მუშაობდა ცდომილების დასაშვები ნორმის ფარგლებში, აბენენტის მიერ მოხმარებული ელ.ენერგია არ აღირიცხებოდა მრიცხველით, ვინაიდან ელ.ენერგიას მოიხმარდა მრიცხველის გვერდის ავლით, შემოწმებისას A ფაზაში გადიოდა 108 ამპერი დენი; B ფაზაში-107 ამპერი, ხოლო C ფაზაში 174 ამპერი დენი. საქმეზე წარმოდგენილია ასევე ფაქტის ამსახველი ფოტო და ვიდეო მასალა.

საქმეში დევს დადასტურება, რომ შპს „იმერეთს“-ს ეცნობა საქმის განხილვის დროისა და ადგილის თაობაზე, თუმცა სხდომაზე არ გამოცხადდა კომპანიის წარმომადგენელი. გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევს არანაირი განცხადებით არ მოუმართავს. შესაბამისად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; ამონაწერი სამეწარმეო რეესტრიდან; ვიდეოჩანაწერი; ფოტომასალა; საქმის განხილვის დროისა და ადგილის თაობაზე ჩაბარების დადასტურება), რომელთა მეშვეობითაც დგინდება შპს „იმერეთი“-ს (ს/კ 431946638) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერგიის დატაცება. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების სამთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის სემეკის 12.08.10წ. #14 და 28.06.2021წ. #19 დადგენილებებით; ს/ს „ენერგო-პრო ჯორჯიას“ 30.06.2022წ RU2022007 წესით, 10.10.2022წ. #OR2022037 ბრძანებით და:

დავადგინე:

6. შპს „იმერეთი“ (ს/კ 431946638) ცნობილ იქნეს ადმინისტრაციულ სამართალდამრღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15 000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:



კომისიის თავმჯდომარე
ნინელი ბოჭორიშვილი